

Yungzsuij: Cien Moux Va'ndokgengj Coux Hek Daeuj

融水：千亩杜鹃迎客来

5 nyied 7 hauh, Liujcouh Si Yungzsuij Myauzcuz Swciyen banh gaiq daihbet hoih yawjngonz va'ndokgengj, beixnuengx Myauzcuz youq Byayenz-baujsanh giz haihoengh va'ndokgengj haenx guh aenvenz caijdangz, max-doxdik doxdax caeuq cawj ngaizdoengh daengj hozdung, yinx ndaej Guengj-doeng, Gveicouh nem bonjdieg haujlai vunz caeuq hekyouz daeuj yawjngonz youzcet.

Gaenx geij bi neix daeuj, aen yienh neix yawjnaek swhyienz baujhoh ligdoh, hawj doenghduz doenghgo rogndoi gag majhung, baujciz swngdai vanzging haemq ndei, baenz le gizdieg ndei hekyouz daeuj youqndwi du'gya.

(Lungz Linzci/龙林智)



▲ Daxbuz hix daeuj yawj va-ndokgengj bw!

► Guh aenvenz caijdangz.



▲ Beksingq henzgyaiq caemhdaiz yienjheiq.

Nazboh: Beksingq Henzgyaiq Cungguk Yeznanz Caemhdaiz Ciengqgo Yienjheiq

那坡：中越两国边民同台放歌献舞竞风流

5 nyied 4 hauh (liggaeuq ndwensam ngeihbet) dwg hawfwen conzdungj Nazboh Yen yienhsingz moix bi gvaq baez haenx. Bineix hawfwen ngamqhab Haj Seiq Ciet Hauxseng, aen yienh neix yungh gij hingzik mbouj doxdoengz gaxgonq doiq fwen caeuq daeuj hawfwen, aeu conzdungj gijgwn ndei, fwnzgguh gunghyibinj baij gai hozdung guh cawjsienq, aeu yaem'wenq Fwencuengh goksadsad guhcawj, hawj vwnzva minzsuz Mbanjcuengh engqgya lwenqda. Doengxngoenz banh conzdungj gijgwn ndei, fwnzgguh gunghyibinj baij gai hozdung caeuq doiq fwen doxdax, banhaemh lij banh "sam nyied sam Bouxcuengh-hawfwen Nazboh" minzcuz hozdung nem Cungguk Yeznanz Nazboh, Baujloz, Myauzvang 3 aen yienh cienciengz vwnzyi vanjvei dem.

Baez vanjvei neix neiyungz fungfouq, miz biujyienj gofoux, doiq fwen, gagciengq daengj, moix aen cezmuuz cungj miz gak dieg dangdieg minzcuz daegsaek naekna, ndaej daengz bouxyawj bekwngz haenhndei. Baez vanjvei neix cungfaen baijyienj le gij vwnzva minzcuz Cungguk caeuq Yeznanz, coicaenh le beksingq henzgyaiq doxgyau vwnzva, doidoengh song guk minzsuz vwnzva hoenghvuengh hwngfat.

(Linz Yungzsenh/林荣先)

Lozcwngz Banh Gyaezguekcuji Doegsaw Gyauyuz Yienjgangj Doxdax

罗城举办爱国主义读书教育演讲比赛

5 nyied 4 hauh, youz Lozcwngz Yenveij Senhconzbu, Yen Gyauyuzgiz lienzhab cawjbanh, Yen Sinhvasuhden ciepbanh, aen cawjdaez dwg "swnjcienz Cunghvaz vwnzva • caezguh cingsaenz gyaranz" gyaezguekcuji gyauyuz doegsaw hozdung yienjgangj doxdax youq aen yienh neix Bouxcoz Nyezrauh Hozdung Cungsim banh, 40 boux hagseng daj daengx yienh gak cungh siujyoz daeuj haenx camgya baez doxdax neix.

Baez hozdung neix mboujdan gikfat le gij yiedcingz hagseng doiq Cunghvaz conzdungj vwnzva, lij daezsang le gij gangjavah naengzlig hagseng, doengzseiz hix fungfouq le vwnzva saedceij hagdangz, fatyienz le Cunghvaz minzcuz conzdungj vwnzva gyauyuz maenhndei, sonyinx guengjdaih bouxcoz nyezrauh gagrox gungganq caeuq saedhengz seveicuji hwzsinh gyacizgvanh.

(Vuz Danhhoz/吴丹河)



▲ Hagseng hwnjdaiz doxdax.

Lungzswng: Lajmbanj Moq Hwnjguh Caeuq Yenzsu Minzcuz Deihfueng Doxyungz Yienj Daegsaek

龙胜：新农村建设与地方民族元素相融合彰显特色美



▲ Hwnjguh giuzndojfwn yienhciengz.

Mboengqneix, beksingq Lungzswng Gak Cuz Swciyen Sanhmwnz Cin Vahgyauz Cunh hwnjguh giuzndojfwn. Aen yienh neix youq hwnjguh lajmbanj moq seiz, yawjnaek cingidaej gveihva caeuq hableix baijbouh, gaenxmaenx sonyinx beksingq aeu lajmbanj moq hwnjguh hanghmoeg caeuq minzcuz yenzsu doxyungz doxhab, ciuq dieg bae guh hwnjguh gij giuzndojfwn, laeuzgyong, youqndwi liengzdingz daengj gencuz gig miz deihfueng daegsaek haenx, youq gaijndei gijgeng diuzgienh doengzseiz daezsang minzcuz daegsaek binjvei.

(Banh Cisiengz/潘志祥 Luz Cungh-di/陆宗地)